

沔陽州志



051 056

051 056

71516

光緒甲午年仲冬

泗陽州志

本衙藏板

光緒二十卷
卷之五

舊序

沔邑之志自訓導胡經始其時知縣姜綰作景陵志亦言沔事余之至沔也求而覽焉經志畧綰志蕪又其廢者七十餘年余甚慨焉迺謀諸羣倅歐子賢蔣子賢郡博士邱子振魯子宇胡子恪僉曰曷葺諸時太史童氏在倚廬乃請之辭請之固太史曰志史也非究變徵實者其何葺之能然吾志也抑收散采逸子其先之余乃進鄉薦士胡子彥陳子柏諸生劉子孟森蕭子寅陶子魯而讐校焉復命邑博士劉子鵬采摭於景陵三越月事竣太史氏亦禫於是提綱析類達義明例敘事以紀繫年以表考故以志述行以傳又逾年乃成畧

沔陽州志

卷首

舊序

者覈蕪者理廢者續可以勸可以懲矣夫古今言史必曰遷固然遷周遊天下固世居史職故其事核而文雅後世稱良焉太史氏本郡望尤以文學傳其家世業不啻班氏而是舉也索之圖籍咨之道路考之荒僻訪之耆舊蓋不啻司馬氏之勞矧今義意悉主遷固名物悉本見聞故其事該而核其文辨而理匪惟良於故志視近今諸志亦加良矣故書此以告宦於斯生於斯者嘉靖十年冬十月望日知州曾儲譔

余爲志據諸史傳及故志所載冗者裁焉鄙者黜焉畧者覈焉訛者正焉疑者傳焉其功賴諸子搜校爲多余特類萃爾紀一表四志八傳十有一統十有八卷郡之大事鑒戒存焉

作郡紀封爵秩官人物皆爲郡邑重作四表凡志郡邑者民所止也故首提封位署建而制度彰矣故次創設役莫大於隄障民食仰焉故次河防河防固而財用阜矣故次食貨富必有教故次秩祀學校者禮所從出故次儒學有文必有武故次兵戎凡傳秩官人物敘事也良牧惠也名將錄功也死事忠也名賢尊德也逸士尙志也僑寓思也孝義崇節也外傳備遺也邑人童承敘撰

沔界江漢秦時業爲郡邑漢唐以來建置雖有可考而遺文散軼儒者恥之本朝高皇帝大定南服沔爲直隸州肅皇帝起郢上沔爲湯沐郡其閒名世應期德業文章彪炳宇內然

沔陽州志

卷首

舊序

二

宏德以前士樸而民廣嘉隆以後士華而民疲萬曆九年不佞來守是邦問民疾苦咸曰沔爲水國最患者茅埠江口更三十年不治東南其魚矣田疆非先朝舊制不變而通之西北無子遺矣下學釋奠於先聖大成殿將圯非一木之支也旣首捐廉俸鳩庀工材計日而更新之乃履畝而賦曲阡直陌幸畫一而田均議土而築洶湧澎湃屹然如山而江口幸塞時陳先生宅憂里居謂修築墾田與興學造士皆古循吏事願記之以傳永久余媿尸素無裨於沔聞之未嘗不發汗沾衣也異日以修志請於先生先生固辭且曰童太史有成書矣余請至再而先生增定焉於太史書未易隻字簡而

文質而不俚昔劉子元於邱明議其文飾也班孟堅於子長
彈其違失也竊病二子有隘心焉先生遜先達而俟來喆此
其意莫可窺矣梓成先生命引其端竊幸從大夫之後亦附
驥千里者歟萬曆十一年八月中秋日知州史自上撰

往先中議公談宇內名志康德涵志武功王敬夫志鄠縣張
文邦志茶陵喬景叔志耀州孔汝錫志汾州及童先生志沔
陽財五六乘耳顧沔志已歷五十年未修小子請於先中議
公公曰古所謂志非今郡縣志也春秋最著矣如禹貢敘郡
紀法也周官敘秩官法也山海經敘山法也水經敘水法也
又如相如與五公子相難書草木法也楊子雲九箴方言書

沔陽州志

卷首

舊序

三

土風法也小子識之嗣中議公下世餘姚史大夫守沔三載
政通人和而以續修郡志屬之小子小子推魯大夫請之固
且曰田賦今昔不同載有定則庶示民可守耳小子唯唯於
河防食貨志良牧名賢傳屢屢書之大夫將擢去沔重勒爲
書卽所益五十年間事於童先生之言無能贊一辭也思古
人之可法俟良史於將來重有感於先中議公之訓云郡人

陳文燭撰

沔志自童太史公始海內咸嘖嘖稱與武功朝邑志相埒萬
曆乙卯春不佞奉上命領牧茲邦察土宜詢風俗則父老咸
以救時先務爲言蓋沔當潛沱下流歲患總莫甚於要隘隄

防余及時經理猶兢兢虞弗就越三年幾幸無懈弛矣公暇取郡志讀之見數十年來宦茲土者政績弗傳登甲乙科者聲猷未紀孝子節婦逸民貞士亦湮滅無聞非所以記盛事昭後世也士民以重修請余媿惟魯不文且治行無補於沔乃固請於觀察費公公唯唯於是因童太史之始基據陳廷尉之增定正其舛誤續其遺脫表年以考創設覈實以立志傳總之不離乎維風闡化者近是至若揚摧古今採華摭實繼盛美於前哲垂不朽於千秋特公石渠金馬閒緒餘耳甯侈談遷固哉編纂既成不佞謬引其端以付諸梓萬厯四十六年四月知州郭僑撰

沔陽州志

卷首

舊序

四

國有史家有乘郡邑有志皆記事之書也沔志成於童庶子士疇先生雅稱實錄厥後大廷尉陳玉叔先生復爲增補兩公桑梓龍門後先載筆雖才如東里安所加其潤色哉然時易三紀其閒時政之因革文質之損益戶口之增減與夫人物之代興謠俗之屢變甯無可紀者乎且大夫郭公爲政夙興夜寐勤宣翼亮修廢舉隆綱舉目張比年以來田穀用登黔黎樂業沔之覩聽於是一新語不云乎不習爲吏視已成事夫述往事詔來者小子卽椎魯無文其何敢讓雖爲二先生續貂可也郡人費尙伊撰

君子於一邦也必知一邦之人與事而爲政焉不知其人與

事而爲政塞默混淆悔將焉及知其一時之人與事而不知前此之人與事淺近苟畧昧將焉鏡余於是議修志矣閱十月而成此志也有難者三媿者四憂者二沔人樸愿不以網羅聞見爲尙則諮訪難地距八百里土著之民有終身不至城市者則閱歷難舊志成於童士疇先生簡嚴整肅海內所稱則參補難志以郡紀爲首廣戰地而盛游民湖鄉之奸宄未靖城郭之儲練未足一媿也志以提封爲大一夫向隅則隅缺眾心成城則城完依今形勢非集本之道二媿也志以河防爲急利不速不興害不大不革防川矣誰其濬之三媿也志以食貨爲重蝗飛加稅之田兵竊不苗之粟上急下慢

沔陽州志

卷首

舊序

五

厥中實乾四媿也且有二憂沔於楚爲完國士鮮勁氣民長逸心適然者至盡飽煖而槁餓之矣逐末日就勤本日連生計旣誦奸詐滋起漸爲訟獄求全倖勝憂者在此媿者在彼爰請於王先生參互紀之以知其人與事並知前此之人與事則奚敢更辭難哉崇禎壬午五月知州章曠撰

沔志創於童太史修之者陳廷尉費庶常也一郡乘耳經三良史裁定慮無不精核而華實並茂者雖然迅征者時靡居者變志已然於未然則否志當然於不必然則否今歲歷三紀升沈開悴當復何似倘或株守往牒不幾讀堂上書而竊笑於堂下乎李于麟云志者志也方志是事而已欲善之以

有所取意作者之志也三復斯言前喆有志後人不及發明後人有志不獲與前喆互相發明尙得爲志乎哉三先生往矣今之志亦猶行古之志焉已郡大夫華亭章公涖沔三年清和咸理將報政急以修志就商夫徵文考獻古循吏事余散質爾書慚半部才遜三長謝不敏者再不獲已勉受簡焉童子舞劍僖父學書厚顏殊甚然而大夫命之矣曰仍舊綴新勿恢炫勿累疊勿佞贅如是而已旋摘數款借我指南其云郡牧賢否明勸刺也合州人物別貞淫也藝文軼事兩者尤志所缺慨然有探孔壁誌齊諧之意焉昔歐文忠公之撰五代史也大事則書意有所示則書後有所因則書按茲數

沔陽州志

卷首

舊序

六

欸事莫大焉意莫微焉後之人因莫便焉所云志是事而意有所取誠作者之志不徒爲記事書也是舉也大夫命之兼率諸賢採輯付余紀述之終始惟大夫事也若云憑臆揣裁矜情秉筆余曷敢僭焉郡人王極撰

讀沔郡舊志知昔多賢刺史未嘗不掩卷三歎也余涖沔八載公餘閒乘一葉舟歷太白郎官及白螺諸村野地大不理間舍星落而丁賦歲有增且夙夜未浚明也都人士歲未興育也民有田疇河伯虐之民有食貨歲兵凶之兼以鼓篋初聞郊壘甫靖卽有忠孝節義奇人異帙未暇泣鬼神榮蒲輪訪之拜之石室藏之也此而無可志又烏乎志雖然五難三

長未易殫心焚膏宿火誰與勵志矧奉上嚴檄雖俗慮焉能
辭哉因屬學博王小築以志志成余讀之記提封志湖村也
記丁賦志增額也記官秩志浚明也記制科志興育也記河
防志水災也記食貨志兵凶也記儒學志鼓篋也記兵戎志
郊靖也記列傳藝文志忠孝節義奇人異帙也萬曆二十年
以來因舊志而錄往事者做金履祥之存前編也 興朝元
年以後集小善而不遺幽芳者做道源之有外紀也斷其義
綜其始終復不騁其詞說信乎其爲良史哉康熙乙巳中秋
知州佟成年撰

昔志與今志同乎山川人物無古今一也兵農錢穀無古今

沔陽州志

卷首

舊序

七

一也是則同雖然更有說猶是提封河防陵谷遷而提封河
防異猶是創設食貨水旱仍而創設食貨異猶是官制兵戎
汰冗員革舊弁而官制兵戎又異然則同者不可以強異異
者何可以苟同哉頃奉檄編輯郡志憲臺以屬之州大夫大
夫以董之不佞楫上下數十年閒其所爲改制易度與災祥
兆異節義文章之屬採輯盈筭爰同馬子學衣胡子維宗等
會集僧刹改朱竄墨時聆鐘聲交相震懾甯來張說之嫉勿
貽陳壽之譏凡閱月乃成上之憲臺例續前志然終以僬僥
企夸父之任矣學正王爾楫撰

沔乘肇自有明草創於胡成於童續於陳於費於章而大要

不離童者近是兵燹後版籍淪沒識者悲之前牧佟頗輯新聞未及成書今上臺欽奉 詔書檄郡縣修纂乃哀集舊

典延引眾才踵擷前賢之筆削備一代之鉅章書成凡得二十卷其考實訂譌歸於至當則馬孝廉學衣張明經金龍分目校讐則高生翀胡生維宗費生瞻鳳譚生經明童生繹世劄劄既竟謹爲弁其首簡康熙十二年夏知州王浩冲撰

沔古名勝區俗敦龐而土沃厚遠邇習知之今竟淩替衰微不古昔若者蓋疊遭水患人民輕去其鄉之所致也余以庚申閏八月初入沔境四望蒼茫煙波千頃爲目悸心駭久之父老云此汪洋浩瀚者固昔日之青疇綠畝也噫嘻異哉履

沔陽州志

卷首

舊序

八

任後目擊凋憊財賦虛懸岌岌有不可終日之勢莅事五月值川夫之役既慚撫字更拙催科因而見放已矣余亦深悉沔民固出於萬不得已耳旋繪沈塌形狀上聞各憲極荷軫恤知起做扶衰當事必有善後之舉以大慰我士民饑渴者又安知今日淩替衰微之沔不轉而爲敦龐沃厚哉州志久廢慨然力修集諸士校讐釐訂共襄盛事不揣固陋謬爲數言以弁其端今雖邀 恩闕復士民不忍舍余赴上請留雖然余豈忍舍我士民哉康熙二十一年仲春知州楊士元撰沔澤郡也千百年來川谷變遷矣形勝風土人物財賦父老之傳聞多異讀內方童太史舊乘及陳廷尉費給諫章刺史

諸先生踵修之編乃較若列眉蓋不勝執鞭附驥之思焉戊戌捷南宮歸里私幸以爲當得躬請當事摻國朝之遺竊執筆言所欲言乃部檄雨下促膺民社行將蠶叢鳥道遠馳數千里遑暇從諸同人後躬御丹黃耶癸丑奉勅纂修通志余承乏山左訂校甯海志畢又作沔志思乃旣縮半綬終日入荆棘叢安能如飛鳥遐舉乎郡刺星垣王公泄沔禮聘名宿旁摻博採以成一書剗剗甫半竟以催科註下考去辛酉鍾山楊公繼卒前業郵書及余余正擬請假歸養倘蒙俞允則夙昔之願或可卒償而尋奉典試三晉之命撤棘還都又授兩浙學使則執筆從事終無由而與焉矣壬戌春仲

沔陽州志

卷首

舊序

九

楊公緘數帙遙寄屬敘余爲澄心研討繙閱數過姑識數言而竊幸吾願之旣償也其採輯之備編次之工雖未獲從諸同人後親御丹黃而掩卷思之尙能一一言其概郡人楊引祚撰

志以記事而大書特書不失古史垂鑒之意則非其人莫任沔志始明嘉靖童太史摻討舊聞刪訂成書有記有表有志有傳彬彬稱最五嶽陳先生因之作隆慶萬厯初志費太史因之卒萬厯志刺史峩山章公又因之作啟禎志雖事有因革損益之不同然其體不易也國朝興諸所創制方之古益善秩官人物後先迭起其志易河防屢決土田沈沒十四

三民逃如之食貨去昔遠甚賦額屢有加逋累歲以數萬計赤歷所載田丁數蓋未可問也執筆繪圖其志難前刺史王公奉 詔修郡志咨學博采名宿仿舊體以紀近事先君與有勞焉事未卒以軍興罷鍾山楊公守茲土甫一載政通人和進沔人士議曰志可無卒乎哉咸唯唯屬余襄厥成以卒先君志余不敏勉從諸君後凡事之所難未嘗不流連三致意焉閱月而志成附驥而彰其在斯篇乎其在斯篇乎邑人張之溢撰

古者王朝列國各有史官以紀政教爵賞刑威戎祀聘饗之要子孫世守其官弗敢廢墜然當遷移改革猶歎文獻之無

沔陽州志

卷首

舊序

十

徵自秦易置郡邑政治條教皆寄其籍於諸曹吏居官者嚴傳舍執掌簿領而弗暇稽核久之則卷牘銷蝕學士家所編錄亦等金石雲煙零落散佚此志乘之修纂所以匪易易爲也曩者吾邑之志先大人獨力鈎纂一秉至公至慎而成之至今昭垂冊府余祇承庭訓承乏來沔見其土地則魚龍之壑歲歲與天吳爭此民也其人民風俗則譎張爲幻怙侈滅義者比比也早作夜思念 國計民瘼何以交濟而不至兩訕馬端臨曰天下可畏者賦歛不可以不均沔之積逋固由賦歛之不均實由土田之不清釐也由此而隄防水利淆亂無紀苦樂懸殊實爲沔先務予蒿目撫膺者久之乃因輿情

力懇臺憲爲之劃厥井疆平其徭賦勞瘁怨讟之弗恤三載克有成功雖不敢曰革故鼎新而爲民殖樂利甦冤累之私衷返之清夜竊可無愧以不負先大人提命及夙昔所期許旣又念沔雖沮澤然提封數百里表裏江漢扼郢控荆跨連涇鄂爲楚北名都顧自前牧王楊二公續修郡乘以還歲厯五紀時旣推移事益繁滋土田則陵谷變遷墳衍磽礧之乘除戶口之或殷阜或凋瘵迭相盈縮物產之豐耗靡常川原之氣運時而凝翕時而漫患人文之炳蔚蒸變名德逸賢毅魄貞媛之發光而弗耀櫻荼彌堅者支祈之潰浪障而扞之以沈災書者幾何年風俗人情之媿慝滄漓名勝古跡之淪

沔陽州志

卷首

舊序

士

於灌莽者凡此皆所亟宜捃摭蒼萃而勿容聽其凋零滅沒者也今皆付之補袍覆瓿不幾以奧區劇郡等諸荒陬絕徼蠻烟焚雨之鄉也哉此沔志之作不容緩也夫登風俗之書以貽令典得信今以傳後者長民者之責也其揆藻敷文旁搜博採則學士之事也乃修之者卒難其人或心術之頗僻學識之蕪陋皆不足以勝任而愉快廣詢鄉評得方子其人淡泊甯靜躬躬然汲古之士蓋其尊甫脫菴先生湛深古學爲楚名宿登壇樹幟與昔人爭壁壘方子守其家訓予禮聘之方子遜謝至再三乃就方子於是矢以精白之衷謝絕餽遺一本虛公詳慎取舊志而參伍考訂之出其腹笥而規撫

揚摧於其際凡所損益皆折衷於予往復論定六月而書告成規矩不越乎先民體裁一隨乎時製詳而能核簡而有要考古證今釐然具在發爲論議皆能摘抉端委雕鏤物理有關於吏治民情非徒工鞏悅之辭者以此備一郡之乘六十年之利病興革並上下千餘年之天時人事皆如燭照而數計矣方今 聖朝文德誕敷 廟堂之上討論蒐輯諸臺憲檄日下徵求忠孝理學文苑節烈隱逸之事實以登諸 國而達之 朝成一代之信史宣付館閣將見瑤函芝檢若珠囊寶鏡之常懸則斯時也不可備輜軒之採錄當太師之陳風耶今者余奉 綸音召見行將對揚天子之丕顯休命何沔陽州志

卷首

舊序

三

以答 高厚於萬一哉毋亦以沔之風土人民涵濡濺澤服教畏神者藉手爲拜獻之先資乎乾隆己未仲冬知沔陽州事沔水禹殿鰲撰

沔陽新志者州牧沔水禹公殿鰲之所修定而郡明經方君瀛壺之所編纂也禹公以古豫名元刺楚北之復州與予先後至沔歷八載見其政清訟理民氣和樂而謳吟不衰予則瞠乎後矣乃公以郡乘廢弛惟有歷年欲續修而難其人久之得方君瀛壺史才也禮聘而出殫精萃工參互考訂發凡起例一展卷而犁然具備燦然可指是豈徒一時之標準直可爲千百之規模非抱良史才者未易辦此而 州牧禹公

之實心實政麟炳篇幅之中宜乎頌聲之洋溢也今者公已入覲 闕廷知必有嘉謨嘉猷入告我 后異日樹立勳名紀于太常者不亦顯鑠而無窮哉予又將橐筆以觀其後乾隆庚申孟夏掌沔陽衛印務事金川鄔俊彩撰

郡邑之有志也上自象緯躔次雲物風雨之測候祥異下逮山川草木風土城郭關梁財賦物產之繁曠中及人情之燾熙習尚之正變與夫忠孝烈義之堅苦而精英不做者莫不囊括包舉是雖一郡邑之志而近則通志遠則國史皆於是焉取之不徒侈陳該覽而已實以資知人論世之炯鑑朱滄起曰古之志皆以史領之而志又通謂之史秦漢以下文士

沔陽州志

卷首

舊序

三

多而史才少志乘之修蓋難其人然吾楚號稱金湯天府之國雄山莽水險阨之塞瑰異之產苗峒之僻卽省志亦擷攬其總要而時散見於各郡縣之乘予自司鐸沔水行其野則農安芟柞入其校則士習絃歌僉曰此郡大夫禹公之撫字我而振勵我也及覘公治績則吏畏其威民懷其德如南陽朱季歲之丁巳大夫乃集章縫於學而詔之曰沔雖數疲困然郡乘關乎掌故人物肇於童續於陳於費於章以迄於楊自辛酉迄今時會幾變而紀載蔑如將任其抱殘守缺不爲蒐討抑長吏與多士均職其咎予將有志於修明哉眾謀旣協公乃以其事任之方君瀛壺君中翰脫庵先生之哲嗣也

予嘗讀先生花悟堂集詩古文辭雄警古峭不媿大家與吾
楚西涯大泌柳浪退谷諸先正靡旌掉鞅樹詞壇之幟君守
其遺緒其爲人落落穆穆思緯淹通蕭條高寄安貧學古抱
靜理而具淵識昔人所謂門庭蕭寂居然名士風流者也公
延之再四予亦造廬而敦趣君乃受簡揮毫校勘綴輯核舊
紀而哀新編事以類從人因行著閱三時成書繁而不蕪簡
而不陋表彰靡遺斟酌盡善以鏡古而源流辨以證今而章
程著以式後而法戒昭洵足垂炯鑒於來茲也矣然非公之
藻鑑虛懷何以得士於牝牡驪黃外哉而方君之不負所知
實有如山谷所云合之雙美當爲墨寶者以此貯之縹囊緗
沔陽州志

卷首

舊序

志

帙上備史官採摭國門名山知必以是爲鵠矣乾隆己未冬
沔陽州儒學學正湘川歐陽一正撰

三代之時有志乎曰有之禹貢記九州之山川疆域土田物
產貢賦河道水利隨刊疏濬諸大事其爲志也古而峭王制
記封爵官制選舉聘問巡狩禋祀軍戎學校經費刑獄養老
輿地諸大典其爲志也古而核周禮記六官之職先王之
經大法禮樂教化慶賞刑威官府內外泉貨幣帛山林川澤
五行百物之理性滋用鴻纖巨細靡不周悉其爲志也古而
博此古昔三大志也志之胚胎也皆聖人窮理盡性參贊經
綸之大著作也特少人物傳耳至左氏敘列國之聘饗會盟

征伐戰陣變故災祥其文古奧精密詳哉其言之矣雖不傳人物而人物之善惡忠邪瞭然具見是亦一大志也後此而龍門扶風暨歷代諸史以及杜佑之通典王溥之會要馬端臨之通考皆踵事乎三大志者也外此而華陽國志汝南先賢傳楚國文獻錄諸書皆由此而支分派別者也往予聞黃文獻義烏志康德涵武功志皆以邑人修邑志稱名海內子雅慕之而未見其書吾沔爲荆南僻壤千餘年稱魚龍之國稽天之潦無歲無之乃歷代紀述邈矣無存自明胡廣文童侍講陳大理費僉事章刺史相繼編纂本朝王楊二公紹述前徽紀載雖備每多遺憾則當時懷鉛握槧者之擇弗精而

沔陽州志

卷首

舊序

五

語弗詳也洵歷星霜已週甲子郡侯禹公以中州名元涖茲三載勞身焦思日討國人而噢咻之慨然曰沔事雖繁蹟而根本切要莫急於田賦賦準田則箕歛免田定賦則誅求紓於是力行敷量之法而民困以蘇繼之學校勤校課而髦士日蒸蒸上復念沔志久廢銳意纂修顧軫才諷說之徒帖括訓詁煖煖姝姝者旣難與勝修明之任予跼伏菰蘆學殖荒落乃辱公相屬辭不獲允深懼寡陋無識重負委任惟矢此潔清無欺者以黽勉從事於是校勘舊帙網羅新聞事必求詳人必核真旣不敢荒於誕謾亦不敢孳於咫聞惟期完備詳明以續前賢於曠邈補昔時之罣誤集爲三十卷稟裁於

公而成此書予以雕蟲末技獲附淮南之丹鼎詎非幸歟今
公以廉能受 特達之知召見 楓陛行將躋登三事斧藻
皇猷矣賢大夫繼洫此邦者察土風人情之利病而振興
綏乂之禮士恤民獎善鋤奸一以公之政爲政焉由是丁男
日以蕃田疇日以闢隄防鞏而學校盛風俗人心日進於愷
龐純固則斯志也卽公之借寇留向於沔也夫乾隆己未仲
冬郡人方宏履撰

沔陽州志

卷首

舊序

去

重修沔陽州志序

昔胡可泉序甘肅志以童官庶沔陽志與康對山武功志並稱新城尙書於武功志外盛推韓武泉朝邑志後儒多準尙書以爲不刊之論予蒞沔求童志讀之其於水道隄防土風士習無不鑿鑿言之比論優劣當出武功朝邑之右世人不察以爲康放史記韓放漢書而不及沔志夫豈其然自宮庶後經五六修而至方瀛壺瀛壺於隄防賦役敘述無紀沔人士亟望補正然亦有土者之責也無錫王子泉太守來刺是邦求宮庶舊本了不可得章方兩志方欲是正闕失勒成一書未幾擢施州守去

廷瑞

自戊寅蒞沔六閱月奉檄權荆

沔陽州志

卷首

重修序

一

門吳朗星徐金坡兩大令皆從事於此廷寶應劉君叔俛主筆削而采訪未遍陽侯肆虐遂以中輟已卯秋

廷瑞

歸自荆

門百務叢集以次清理逾年遂舉是役

廷瑞

推其大要沔志

之難蓋有數端方志體例本不甚精又其成在乾隆己未去今百四十年事有變遷體兼因創其難一沔陽迭稱府州縣而漢沔陽遠在漢中唐沔州卽今漢陽李白劉長卿之詩宋白胡三省之說一概闌入殊乖體製其難二土地名惟州陵建興爲沔陽所得專至鄖與安德爭雲杜與京山爭惠懷與潛江爭玉沙與監利爭雖兼有雲夢地而雲夢大澤究在監利雖號復州而唐武德以後貞觀以前寶應以後宋端平以

前之復州究在天門貪多務得轉失真面其難三江水西起
監利東盡漢陽漢水西起天門東盡漢川其餘諸小水港汊
紛歧縱橫轆轤犬牙錯壤不析不明其難四環沔皆水歲有
興修決口橫衝則力籌堵塞窪下積潦則有藉疏消俗吏勞
勞又安得專意案頭自爲考校其難五咸豐年來迭遭兵燹
陳編大冊半付焚如見聞所及猶恐或遺搜討雖勤仍虞不
實其難六有此六難又不敢因難自阻乃率邑人士再發徵
引家有一編半簡者咸得借觀人記隻言片行者輒許陳說
搜採旣遍仍延劉君終竟其事於是汰冗蔓補闕遺正謬譌
核疑似凡得若干卷以付手民官庶固不敢望其視章方兩

沔陽州志

卷首

重修序

二

志庶幾無愧矣乎雖然責人斯易論世良難如對山五泉其
人猶以事不師古苟爲簡略爲洪北江陸祁孫所譏議此志
之成安知不叢口實也博學方聞之士從而反覆推勘匡其
不逮若毛大可糾蕭山之謬孔自來志江陵之餘此則
與劉君拳拳之心所深望於後之君子也夫光緒七年歲在
辛巳仲夏月望日知沔陽州事德陽鍾廷瑞撰

沔陽州志敘

余以光緒八年冬權沔篆前李牧移交劉叔俛孝廉修輯州志未成之稿公暇閱狄梁公白明甫孫世延章干野禹謙齋諸傳輒嚮往之以歲之不易未獲賡續成篇又明年年穀順成議竟前事邑人士推學博余君午峰司編纂余親誼敦請辭再三始應聘而余旋受代因公寓州垣半歲乃得與午峰學博往復討論益暢發所未盡夫志猶史也所以陳往事鏡來茲也司牧之責所以爲民興利而除其害者也沔地廣袤各數百里土腴沃原田藝木棉牆陰植桑繭絲花布甲它邑菽麥稻梁罔不宜樹而藪之芻茭澤之鱗介復恣取不竭故

沔陽州志卷首敘

三

利不待興而具然襟帶江漢江漲病東南漢漲病西北河湖失疏夏秋霖潦不淹則漬隄院剝閘爭宣防訟壑鄰者十四五也余覽隄防志童陳數君子詳哉乎其言之然瀦者日淤洩者日塞今之視昔加厲矣非盡取河流而疏濬之不能以奏效顧安所得數十萬帑金爲吾民灑沈澹菑歟自子貝淵構禍監沔生靈死千數百人上台檄籌疏消李前牧主開柴林河議甫經始以憂去余蒞任之明歲始克底於成一二年間得少紓禍患而全沔之待治者實甚夥也天下事有其心而治之或不得其法有其法而任之或未肩其責有其心與法與責而爲之或竟無資則終於蒿目拊膺束手而莫如

何此余所日夜疚心深望嗣牧斯土者之從事於斯而庶幾有成者也今余逝將去沔矣沔志亦且垂成矣其敘次之詳搜討之確論辨之核體例之善視故志孰得失有識類能辨之姑弗論論余所以爲民計畫重且鉅而未旣所願者具書之以爲沔志敘光緒十一年夏四月知州事鄧倬英撰

沔陽州志

卷首敘

四

沔志自乾隆己未禹公續纂後距今垂百五十年矣歲丙子奉文催修設局開辦迄未成去冬州大夫陸公毅然圖之而辱畀總理於南竊南由甲申抱疴歸里日捧藥爐於林下鍵戶不出老且頽安敢肩此鉅政屢謝屢召卒枉車敦促無已勉應焉爰迺搜剔前藁網羅舊文體例一稟商諸大夫其廣戢習精稽覈嚴甄錄彙析編次賴同事諸君子協力一心恒漏盡嚴寒不稍輟而採訪者校勘者均各盡乃職南不過閒參一得之愚而已愿呼負負五閱月藁猶就於前志頗多所補正其新纂者必詳必慎壹是歸於求實上之大夫請鑒而裁之以勒爲成書夫大夫敏練卓著備學識才之長曾修

沔陽州志

卷首敘

五

宜麻諸邑乘隆名藉甚則於茲志必有以彌吾沔百數十年曠弛之隙而洗局中從事數十人之陋成信史以傳於後匪特爲一時幸並千百世幸也矧大夫孜孜求治凡吾沔之廢而要者皆思次第畢舉南將跼伏延頸以觀德化之成大夫洵吾沔福星哉特紀其實以系諸簡端光緒十三年閏四月邑人王冕南識

續修州陵志敘

夫今之州郡皆古之國也國不可以無史斯州郡不可以無志志者記也就地徵文因類見義所以存掌故審禦防資設施昭懲勸者皆於是乎在故輯方志而不以史筆爲之者則其書必不可以傳諸不朽良以屬辭比事扶世翼教志與史恆相表裏可弗慎諸沔陽舊志前明童太史所輯文簡事賅先輩以爲猶存古體與武功康對山書並稱殆極則也第迄今二百餘年罕有能續之者不惟元板漶漫且政由俗遷治隨時變凡一切風土人情升降移易月異而歲不同誠恐久而失真無以信今傳後斯亦守土者之憾也光緒壬辰年余

沔陽州志

卷首

新序

六

權州篆旦暮兢兢籌思利益方謂次第修舉庶藉手以告無愆顧僅慎固隄防培益學校稍盡厥職而採輯州志草創未全會迫瓜期且繼之以病事遂寢心滋歉然甲午冬葛侯

雅意續成刻日藏事郵書屬予弁言余維葛侯迴翔詞館著述夙優所難者當經費支絀之餘又值交代倥傯之際毅然成茲大典而一已獨肩其勞豈非大有造於沔者哉且循聲卓著百廢具興其賢於

成慶

也多矣

成慶

何敢以不文辭且

夫儒者之言具存微旨方志之體弗尚鋪張以予攷證諸編不啻充棟然求善本如武功康書沔陽童志者究亦寥寥不多得大約詳或失之濫簡或失之略直或失之俚秉筆之難

自昔然已况近世士大夫佔佔自喜私相褒美其祖宗親戚以矜耀方隅苟非卓識鴻裁精心筆削幾何不爲所眩哉葛侯固史才知必有合於古而不淆於俗然則斯志也後先媿美州陵於是乎有光矣抑余尤有感焉自來郡邑之盛衰視乎人材人材之多寡關乎學校學校之隆替繫乎官師其理有不爽者我

朝景運昌明僻壤荒陬亦稱丕變沔固澤國之最且歷代多循吏其賢才輩出科甲蟬聯有由然也後之君子苟循是編而省之憬然化俗宜民益宏展布於以振興文教砥礪廉隅以襄

沔陽州志

卷首

新序

七

聖天子車書之盛治不其懿歟旣幸斯志之成亦尤冀有舉無廢不百年而修葛侯之緒者又良史也然而集事亦殊不易爾

光緒二十年臘月中浣翰林院庶吉士前署沔陽州知州事本任武昌縣知縣湘西俞成慶謹序

沔陽續輯州志序

語有之居今之世考古之志所以自鏡也所鏡益邇觀鑒益
炯載籍浩矣鑿遠而觀微或相漠也取郡鏡郡取州鏡州取
縣鏡縣地親事近心感易生故州志者州鏡也考志得鏡州
資以治塵而滓之缺而蒙之治烏乎資沔陽州志始自童氏
爲海內言志家所稱作者之難已任之矣嗣此輯述循其體
例隨條附益刮滓磨塵完所缺焉已耳詳採慎擇剪所蒙焉
已耳乃自乾隆續輯缺續百餘年矣光緒乙亥憲檄催續始
事至今又近二十年中閒惟陸君彥願收此頗久草創粗稿
付刻不半載十僅得四時以代去繼至者紉於炊項一瓜之

沔陽州志

卷首

新序

八

期鞭又不腹展轉廢置迄用無成余於歲春移攝來此思以
沔治治沔而苦不得所鏡也索取於志因得其故急欲收前
板之四而十之刷印成本而其四并佚歆亂散卧於齋樓閒
速僕檢拭塵剝土蝕完者已僅其散往各紳家者搜索彙復
更僅數十片繼徵前稿力承蠹口之餘心度意辨迄其始末
又多複漏無可稽核仍速前事各紳互蒐旁集始就端緒余
亦期代在瓜鞭不及腹者也然仍廢置相循此事之成不知
何年所矣遂斷而自任就署鳩工挪飲籌補而百事紛錯又
不能急此而緩彼也學博楊君子青多才宏藝熟於體例讎
校之事一以任之楊君亦概焉自力芟複補遺詳採慎擇完

之翦之磨之括之爛然昭列足資考鏡迄歲底而事成夫沔
澤區也江漢環阨激洛境口洪流迴盪歲警沈災然魁碩叢
興人文炳蔚闡門盛節里巷名踪支挺於飢寒荼蓼之中代
光記載流連往昔居斯土者之鏡也提封數百里任之司牧
民彫於潦俗敝於貧救囂詐於危苦餘生爭衽席於魚龍窟
穴而河防變易食貨盈虛征賦翕張學校舉廢創設修墜興
夫兵制秩祀捍患迓庥今昔異宜因時消息經盤錯而試利
望前修而奮起我思古人開卷若親固又官斯土者之鏡也
以沔流風遺跡指數可得聞近易徵觀近易感磁鐵相引氣
與通也玉石相錯類與從也上下交鏡治之資也余代將至

沔陽州志

卷首

新序

九

矣治無所出已則不鏡而勤此資人方以自慙然後有鏡者
斯與有功竊又貪以自賴焉

賜進士出身翰林院庶吉士改授保康縣知縣攝州事古
皖葛振元撰

國之史邑之志體殊義均也沔之先志沔者童宮庶尙矣後此若陳若費若方亦史才也沔固多君子哉獨其地屬澤國江漢二水頻其災書之散佚並陳志費志方志且不可復得何童志焉志之宜續也固也乃自同治初奉檄續修以來歷數十年寒暑經數十手纂校費數十萬金錢止以水患頻仍代謝靡常卒弗考厥成良可惜也歲甲午古皖太史公羲乾葛公來牧此土甫下車將有事於觀省覓舊志不得問新志未成慨然曰志之一書所關綦重聽其展轉遷延過矣太史公作史記自序曰是余之罪也夫是余之罪也夫蓋有不可以已焉者余司斯牧余曷敢康厥居躑躅久之顧念瓜期沔陽州志

卷首

新序

十

有限猝就焉不遑緩圖焉又不可計非肩其任專其責鮮有濟爰商於鉅而刻期以從事鉅鄙人也堅辭弗獲勉從所命効綿薄焉是役也始於秋初成於冬季以太史公之大力成諸君子之眾志六閱月而工竣太史公之功偉矣邦人士之幸多矣鉅忝與聞亦與有榮施焉書成謹書以誌光緒二十一年嘉平月訓導應山楊鉅撰

舊序

新序

凡例

目次

姓氏

繪圖

聖諭

天文志

星野

乾度

祥異

地輿志

沿革表

疆域

山川

形勢

風俗

建置志

城池

公署

附舊署

驛鋪

關渡

附義渡

祠祀

寺觀

鄉鎮

隄防

附協修

閘壩

橋梁

古蹟

附表

古墓

附義阡

食貨志

戶口

賦役

留支

屯衛

沔陽州志

卷首

目次

屯賦

倉穀

倉儲

附義田

養濟

附善堂

物產

學校志

學宮

學制

學田

考棚

書院

附義學

賓興

附公車

武備志

兵制

附水師

兵事

附團保

秩官志

秩官表

封爵

名宦傳

忠烈傳

選舉志

進士

舉人

貢生

武進士

武舉人

附孝廉

附方正

武職

雜科

應例

蔭襲

封贈

人物志

宦績

儒林

篤行

文苑

武勛 義行上下 孝友 割股

彙敘 忠烈 隱逸 耆壽

方技 流寓

列女志 賢孝 割肝 節孝 節烈

貞烈 貞女 壽婦

藝文志 記 疏論 序 雜論

書 考 文 墓誌銘

神道碑 墓表 傳

雜類志 陳傳 方外 鎖錄

沔陽州志 卷首 目次 二

凡例

一志與史傳相表裏而一統志直省志其取材必於郡邑造車合轍始基克端州縣志爲尤要矣備蘭臺之蒐羅蔚大邦之文獻期於事取摭實辭尙體要庶足以信今而傳後

一沔邑水潦爲患蠲賑時聞首錄 聖訓敬紀 皇仁次列天文地輿建置食貨學校武備秩官人物列女藝文爲十志目各麗於其綱又摭其餘爲類記用資考訂

一志亦史類體各不同鄉先達童庶子所纂州志全仿史漢成一家言有郡紀有表有志有傳今仍童舊亦參用方志

志例

沔陽州志

卷首

目次

凡例志例

三

一沔爲古建郡地表長近三百里襟江帶漢左鄂右荆名爲州實兼數邑之地幅幘旣廣緯度斯應前志所載星野今仍舊並核之史書量加推測至黃道出入節氣遲速授時所先民用攸賴與夫五行祥異亦詳著之以明天人之應

一郡國建置代有變更沔地湖港縱橫壤土繡錯自西南境屬古州國東北境屬古鄖國自漢以下或分數縣隸數郡以州陵爲主名西魏以下以建興爲主名隋爲沔陽縣唐爲復州治後或爲府爲路爲玉沙明以來始定今稱

一水道遷徙沔地尤甚外有江漢之環繞內洩荆潛之委流昔窪今隆此贏彼縮水勢所趨地形爲轉而利害亦因之

今據水經注及近人水道提綱湖廣湖北通志本邑及鄰縣志參考互登並履勘近日源委臚附山川實事求是非敢故爲增損

一沔地平曠無險阻可恃然自戰國州爲秦楚兵爭地隋唐以來咸置大郡明太祖定鼎東南以沔陽爲荆安根本形勝所關實荆襄鄂岳之中樞標其形勢俾與兵事互相證明庶有資于防禦

一隄防開列爲沔國賦民命所關一主堵築一主疏濬邑人胡祖翮荆楚疏修指要一書頗切實用今於詳考河道後南北部隄及溝洫行水縷晰登載用宏康濟

沔陽州志

卷首

目次

志例

四

一城池公署以及學宮試院多仍前志之舊增其續修年月而已武備稍益新章典禮仿湖廣通志附詳各類慎更張也

一人物事跡史多類敘附載之例如寺觀宜附壇廟坊表宜附古蹟駐節封爵宜附秩官之類皆是卽隱逸方技流寓方外湖廣通志載列女後今仍舊志並仿麻城等縣志例附於人物末從類敘例也亦從附見例也

一書院賓興義學等類爲培養人材之地所置田業詳載始末倉粟表齊義渡義阡之屬亦如之但屬義舉無微不彰

一沔地與竟陵相出入唐史載竟陵復州刺史太守

沔陽天門舊志互載人物亦然今於人物語羞雷同務從指實若從前名宦收在今州治者入秩官表以與沿革表符但表所不列前此已經祀入名宦祠者必有惠政及沔傳中仍從附載亦有舉莫廢之義

一秩官首載循良自狄梁公以下代有德政或係名賢當與山川並壽其臨難殉城彙為忠節身麻戎行纂為武功以類相次共為一編

一沔邑地大人稠自漢以來人物星稀良由地苦水汎文獻荒落抑或流徙遠陬或彙入郡籍莫可晰辨惟有明及國初科第舉貢多援當時通例寄籍他縣或隸府籍衛籍

沔陽州志

卷首

目次

志例

五

通志不暇詳明輾轉遂多錯誤如馬學衣鍾祥籍州志載其受知州牧章曠張之溢湖北通志舉人表作鍾祥人進士表作安陸人當是以安陸府籍轉誤此類不可枚舉悉註寄籍以便更正

一人物取經濟優裕者入宦績經明行修者入儒林篤天性者入孝友殉軍事者入忠烈優文學者入文苑著功伐者入武勳方正有守慷慨好義者均入義行各因事實從其所重

一孝友忠烈義行卷帙繁重粗分為上下卷而事蹟之重輕利益之大小因之至割股本關至性究屬愚孝附孝友後

以符經訓

一前志載沔陽風俗多薄惡獨美其婦女多守節一端近數十年來迭經水患兵燹茹苦嗜荼十指度日者相望於册且割肱醫姑仗義殉夫幾于歲有其人可謂盛哉仿後漢書例別為列女志以嘉懿節惜嘉道以前科案無存諮訪無自展卷何止三歎

一藝文分見山川古蹟各類邑人撰著已有成書仿四庫提要分經史子集四部標其書目閒附大概復取他邑人作有關沔邑者及邑人作之未經附載者閒錄一二類及焉以資考核而佐風雅

沔陽州志

卷首

目次

志例

六

一方志成於乾隆初年閱今百四十載紀錄散佚凡秩官人

物缺略何可勝言編輯僅據目前修補俟之來哲

自古及今未有

生存入志者方瀛壺紀善錄調停同時紳士見笑大雅今明知故為而又欲免譏踵瀛壺故知別其名曰備訪所謂掩耳盜鈴者也人果大節卓然此日不列於册豈異日即湮沒無可考乎是則過慮矣童志合沔陽景陵前後數千年其人物幾何陳費章三志猶有直道至瀛壺而雜亂極矣然亦不至若今番之多乃一則曰鄉評輿論或大相刺謬再則曰余不任咎其心之抱愧何如耶今百五十年間所續視舊志乃增至數倍何近代賢人善士之眾一至於此夫面面相關無可奈何聽之可也至於不收生存有詞可借何必以已收者為猶未足而寬其例以貽識者之誚乎是亦不可以已乎夫物以希有見珍人物何獨不然今若此不惟無以行遠即欲取信閭里亦難矣何足榮哉何足榮哉

足榮哉
遂鳳

沔陽州志

原修姓氏

沔陽州學訓導

胡經

沔陽州知州

曾儲

沔陽州知州

史自上

沔陽州知州

郭僑

沔陽州知州

章曠

沔陽州知州

佟成年

沔陽州知州

禹殿龍

沔陽州學學正

王爾楫

沔陽州志 卷首

沔陽州學學正

歐陽一正

邑人

童承敘

邑人

陳文燭

邑人

費尙伊

邑人

王極

邑人

楊引祚

邑人

張之溢

邑人

方宏履

新刻姓氏

倡修

沔陽州知州

鍾廷瑞 德陽人 進士

沔陽州知州

鄧倬英 益陽人 諸生

協修

沔陽州知州

陸佑勤 陽湖人

沔陽州知州

張茂時 江蘇婁縣人

沔陽州知州

俞成慶 前翰林院庶吉士 湖南善化人

沔陽州知州

李 輅 湖南湘陰人

續修

沔陽州志 卷首

二

調署沔陽州知州

葛振元 己卯舉人 丙戌進士 前翰林院庶吉士 安徽懷甯縣人

總纂

沔陽州學訓導

楊 鉅 癸酉舉人 應山縣人

纂輯

沔陽州學學正

余益杞 舉人

經心書院山長

劉恭冕 舉人

邑 人

王冕南 進士

邑 人

王家鳳 優貢

分纂

邑

人

李漢源 舉人

邑

人

陸鍾泉 孝廉方正

邑

人

陳際雲 舉人 揀選縣

邑

人

邵樹忠 舉人大挑二等

邑

人

劉楷章 拔貢 候選州同

邑

人

鄧倬堂 翰林院庶常 現任廣東靈山縣

邑

人

陸鍾澤 覺羅教習 揀選縣

邑

人

杜康瑜 翰林院檢討

邑

人

譚璋 舉人 揀選縣

邑

人

李翥華 癸巳舉人

沔陽州志 卷首

三

邑

人

張紱麟 舉人 揀選縣

邑

人

蔡晉 舉人 揀選縣

邑

人

劉勳才 舉人中書科中書銜

邑

人

楊鴻濂 舉人 國子監學正

邑

人

李皋 拔貢 候選知縣

邑

人

江玉樹 癸酉拔貢 甲午副榜

採訪

邑

人

向瑞崙 歲貢

邑

人

張樹桂 候選知縣

邑

人

周應漑 陝西甘泉縣

邑

人

張樹煊

江西卽補府

邑

人

魏融皋

歲貢

邑

人

文化成

孝廉方正

邑

人

顏錦鏞

歲貢

邑

人

平仁凱

江西南河通判

邑

人

杜舉

候選訓導

邑

人

李道沅

封職

邑

人

向春霆

廩生

邑

人

汪雲藩

附生

邑

人

戈永靖

附生

沔陽州志

卷首

四

邑

人

楊璋

舉人

邑

人

楊平章

廩生

邑

人

馬元愷

恩貢

邑

人

武鈺

附生

邑

人

戚開藻

附貢生

邑

人

馬雲漢

附生

邑

人

答嗣榮

附生

邑

人

李漢清

附生

邑

人

劉炳南

附生候選州同

邑

人

黃漢

附生

邑

人

李樹芬

附生

邑

人

江曙章

附生

分校

邑

人

戚開芹

江西鄱陽知縣

邑

人

并清理書籍

張仲庚

附生同知銜

邑

人

黃福

舉人

邑

人

婁正寅

廩生

邑

人

定向明

大冶訓導

邑

人

李文林

候選訓導

邑

人

蘇森甲

沔陽州志

卷首

五

邑

人

周樹鏞

邑

人

劉炳燊

邑

人

陳繩祖

邑

人

吳立羣

邑

人

陸光華

邑

人

周篤祐

邑

人

馬光頌

邑

人

顏毓


沔陽州志

卷首

沔陽州屬全圖

西

二




泗城全圖

泗陽州志

卷首

泗城畧景全圖

三




沔陽州志

卷首

沔城署景全圖

四



沔陽文廟圖

沔陽州志

卷首

沔陽文廟圖

五




沔陽州志

卷首

沔陽文廟圖

六




沔陽州署圖

沔陽州志

卷首

沔陽州署圖


七



沔陽州志
卷首

沔陽州署圖

八



泗西捕汎圖

泗陽州志

卷首

捕汎圖

十一



沔陽州志

卷首

戎鍋兩汛圖

十四

抵沔西捕汛

工書吳景暘繪

客子塘



沔陽州志

卷首

河北糧汎圖

西

